



REPUBLIKA E KOSOVËS - REPUBLIKA KOSOVA - REPUBLIC OF KOSOVO
KËSHILLI GJYQËSOR I KOSOVËS - SUDSKI SAVET KOSOVA - KOSOVO JUDICIAL COUNCIL
PANELI ZGJEDHOR PËR ANKESA DHE PARASHTRESA
IZBORNI PANEL ZA ŽALBE I PREDSTAVKE - ELECTION COMPLAINTS AND APPEALS PANEL

Anr.565/2025

PANELI ZGJEDHOR PËR ANKESA DHE PARASHTRESA (PZAP), i përbërë nga gjyqtarët Bujar Muzaqi, kryesues, Violeta Husaj Rugova, dhe Hajriz Hoti, anëtarë, duke vendosur lidhur me ankesën e subjektit politik Lëvizja Vetëvendosje (LVV), me seli në Komuna Prishtinë, kundër subjektit politik Lidhja Demokratike e Kosovës, me seli në Komuna Prishtinë, për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore për Kuvendin e Republikës së Kosovës, në seancën e panelit të mbajtur me datë 13.02.2025, mori këtë :

V E N D I M

HEDHET E PASAFATSHME ankesa Anr.565/2025 datë 10.02.2025 e subjektit politik Lëvizja Vetëvendosje (LVV), me seli në Komuna Prishtinë, parashtruar kundër subjektit politik Lidhja Demokratike e Kosovës, me seli në Komuna Prishtinë, për shkak të shkeljes së Kodit të Mirësjelljes për subjektet politike, Mbështetësit e tyre dhe Kandidatët gjatë Fushatës Zgjedhore, për Zgjedhjet e Përgjithshme për Kuvendin e Republikës së Kosovës.

A r s y e t i m

Me datë 10.02.2025 PZAP-i, ka pranuar ankesën Anr.565/2025 nga subjekti politik Lëvizja Vetëvendosje (LVV), me të cilën pretendon se më datë 6 shkurt 2025, Bujar Gimolli, mbështetës i subjektit politik LDK, ka postuar fotografi, në profilin e tij në Facebook, duke përdorur gjuhë fyese dhe denigruese për qëllime të fushatës dhe me qëllim të dëmtimit elektoral dhe nxitjes së urrejtjes ndaj Kryeministrit z.Albin Kurti, duke e quajtur: *"Peja jep shuplakën e fundit kryemashtruesit", "njeri i poshtër", "Si ishte dhe si e prezantoi LVV tubimin në Prizren-Mashtrimi nuk kalon"*. Më tutje parashtruesi i ankesës ka theksuar se gjithashtu, në profilin e tij në facebook ka edhe shumë postime të tjera ku është përdorur gjuha fyese dhe denigruese që nxisin urrejtje ndaj aktivistëve të Lëvizjes Vetëvendosje dhe Kryeministrit z.Albin Kurti.

Përmes këtij veprimi mbështetësi i partisë politike LDK dhe subjekti politik LDK kanë shkelur dispozitat e nenit 34. paragrafi 1, pika 1.11 të Ligjit për Zgjedhjet e Përgjithshme në Kosovë. Si provë ka bashkangjitur Fotografitë, CD dhe linku i profilit në Facebook, <https://www.facebook.com/bujar.gimolli>.

Në përgjigje në ankesë të parashtruar nga subjekti politik Lidhja Demokratike e Kosovës, me seli në Komuna Prishtinë ka kundërshtuar ankesën e parashtruar nga subjekti Lëvizja Vetëvendosje (LVV) dhe kanë theksuar se ankesa duhet të hedhet nga PZAP si e palejuar, sepse edhe vet në ankesën e LVV është e shkruar qartë e thjeshtë se më 6 shkurt 2025 Bujar Gimolli..... (Vazhdon pjesa tjetër) dhe se ky pretendim ankimor është parashtruar jashtë çdo afati të ankesës që parashihet në Rregulloren Nr.01/2024 për Procedurat e Parashtrimin dhe Vendosjeve të Ankesave.

Paneli pas vlerësimit të ankesës, konstaton se :
- Ankesa është e pasafatshme.

Në këtë rast, nga shqyrtimi i shkresave të lëndës, konstatohet se parashtruesi i ankesës ka dorëzuar ankesën në PZAP, më datë 10.02.2025, ku ka pretenduar se subjekti politik LDK gjegjësisht mbështetësi nga ky subjekt politik Bujar Gimolli është përgjegjës për shkak të shkeljes së Kodit të Mirësjelljes për Subjektet Politike, Mbështetësit e tyre dhe Kandidatët, gjatë fushatës zgjedhore, për Zgjedhjet e Përgjithshme për Kuvendin e Republikës së Kosovës. Megjithatë, ankesa është parashtruar pas afatit ligjor për paraqitjen e ankesës, sipas nenit 39, paragrafi 3 i LZP-së, ku afati për dorëzimin e ankesës është 48 orë nga ndodhja e shkeljes së supozuar, dhe se ankesa është dorëzuar në PZAP më datë 10.02.2025, në ora 17:00, kurse nga hetimi i ndërmarr nga PZAP-i postimi për të cilin pretendon pala ankuese është bërë me datë 06.02.2025, që do të thotë se ankesa është dorëzuar pas afatit të paraparë ligjor.

Paneli, ka gjetur se ankesa e parashtruar nga subjekti politik, LVV kundër LDK, është parashtruar pas afatit ligjor të përcaktuar me dispozitën ligjore të nenit 39 paragrafi 3 i LZP-së, i cili përcakton se: *“Personi i cili ka interes ligjor në një çështje brenda juridiksionit të PZAP-it, ose të drejtat e të cilit janë shkelur për sa i përket shkeljeve të pretenduara të Kodit të Mirësjelljes për subjektet politike, mbështetësit e tyre dhe kandidatët gjatë periudhës së fushatës zgjedhore dhe ditës së zgjedhjeve, mund të paraqes ankesë në PZAP brenda dyzet e tetë (48) orëve nga ndodhja e shkeljes së supozuar, dhe PZAP-i, do të vendos për ankesën brenda shtatëdhjetë e dy (72) orëve nga koha e pranimit të saj, si dhe neni 13, paragrafi 3, nen paragrafi 3.3 i Rregullores Nr.01/2024 për Procedurat e Parashtrimin dhe Vendosjes së Ankesave të PZAP-it, i cili përcakton se “PZAP-i e hedhë ankesën kur vlerëson se ajo nuk përmbush kërkesat e LZP-së dhe kësaj rregullore për shqyrtim, nën paragrafi 3.3. nuk është dorëzuar në afatin e paraparë ligjor.*

Paneli gjeti se i njëjti është ushtruar pas afatit ligjor, dhe nga arsyet e theksuara më lartë e në kuptim të nenit 39 paragrafi 3, neni 115 paragraf 1 i LZP-së, dhe neni 9 paragrafi 5 nën paragrafi 5.5 të Rregullës 01/2024, për Procedurat e Parashtrimin dhe Vendosjes së Ankesave, paneli vendosi si në dispozitiv të këtij vendimi.

PANELI ZGJEDHOR PËR ANKESA DHE PARASHTRESA
Anr.565/2025 datë 13.02.2025



KËSHILLA JURIDIKE: Kundër këtij vendimi është e lejuar ankesa sipas nenit 118 paragrafi 4 të LZP-së, në Gjykatën Supreme të Kosovës, brenda dyzet e tetë (48) orëve nga momenti i marrjes-pranimit të këtij vendimi.